



Inatsisartunut ilaasortaq Doris Jakobsen
/Maani

**Inatsisartunut ilaasortap Doris Jakobsenip § 36 imm.1 naapertorlugu
apeqquteqaataanut akissut.**

Inatsisartunut ilaasortaq Doris Jakobsen, Siumut, Inatsisartut suleriaasianni § 36,
imm. 1 naapertorlugu Naalakkersuisunut ima apeqquteqaateqarpoq:

**Inatsisartut siulittaasuata angerlarsimaffiani ikiaroonartumik nassaartoqarnerata
kingornatigut inuiaqatigiillu ikiaroonartoq pillugu oqallittareernerisigut, qinikkat
Naalakkersuisunilu ilaasortat tamarmiusut ikiaroonartumik atuisuunnginnerat
qulakkeerniarlugu Naalakkersuisut iliuuseqalersaarpat?**

28. juli 2009
Sags nr.
2009-019416
Dok.nr. 209654

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@gh.gl

Apeqqutigineqartoq tullinnguuttumi akineqassaaq.

Apeqqutigineqartoq Naalakkersuisunik pissutissaqartitsilerpoq
erseqqissaatigissallugit akuersaarinninnitik ataqqinninnitillu
tunngaviumsumik periutsinut, kalaallit demokratimik tunngaveqarlutik
inuiaqatigiittut atugartuujusutut ingerlatsinerannut tunngaviliisuusut.

Inuiaqatigiit inatsisinik tunngaveqartut inatsimmut assigiittusaaanermut,
innuttaasunut inatsisitigut illersugaasusaaanermut akuerisaasunik
periutsinik tunngaveqarput aamma inatsisiliortuulluni pissaanerup,
atuutsitsisuulluni pissaanerup eqqartuussisuullunilu pissaanerup
avissaartisimaneqarnissaannut.

Pissaanerup pingasoqianngorlugu avinneqarsimanerata kinguneraa,
Inatsisartut Kalaallit Nunaanni inatsisiliortutut qinikkatut ilaatigut
innuttaasut qanoq iliuusiinut killiliisarmata, ilaatigullu atuutsitsilluni
pissaanerup aamma eqqartuussiviit qisuariarnerinut
aalajangersaasartuummata, inatsisiliornerup eqquutsinneqannginnerani.
Ilanngullugu inatsisartoqarnikkut periutsip kinguneraa, Inatsisartut
qinersisartut sinnerlugit nakkutiginnittartuummata, Naalakkersuisut
inatsisiliornikkut sinaakkusiussat iluini iliuuseqartarnissaannut.

Kalaallit Nunaanni inuiaqatigiit demokratimik tunngaveqartumik
inuiaqatigiit aaqqissugaanerini naatsorsuutigineqarput, eqqartuussisarnikkut
aaqqissuussinerup aamma inuiaqatigiinni ingerlatsiviit innuttaasunit
akuerineqarsimanissaat ataqqineqarnissaallu, taamaalillutik qinersisartunit
tatigineqarlutik. Taamatut tatiginninnermi naatsorsuutigineqarpoq,
innuttaasut annertuumik inatsisiliornikkut illersugaanermik
misigisimasaqarnissaat. Imatut periuseqarneq, allamik

uppernarsaasoqarsimatinnagu pinngitsuusarneq, innuttaasut
inatsisiliornikkut illersugaanermik pissusissamisoortumik
paasinnittaasiannut ilaavoq. Taamatuttaaq ikorfartuutaasumik periusiuvoq,
oqartussaasut iliusaat aalajangiisarnerilu inatsisiliormik
tunngaveqassasut aammalu assersuutaassanatik piumasaarsortumik
tusatsiagaalersitsinermut imaluunniit inatsisinik unioqqutitsinerusinnaasunut
pasitsaassinernut imaluunniit ileqqorissaarnikkut akerlilerneqarsinnaasunik
iliuutsinut pinngitsuuinernulluunniit.

Inatsisartuni Naalackersuisunilu ilaasortat inuiaqatigiinni inuttaasut allat
assigalugit inatsisinik eqquutsitsinissamut pissusaaffeqarput, soorluttaaq
allaffissornikkut oqartussaasunit eqqartuussivinniillu naapertuilluartumik
pineqarnissamut aamma piginnaatitaaffeqartut. Naalackersuisut tatigaat
politiit, unnerluussisut eqqartuussiviillu pissusaaffilerneqarsimasut,
ikiaroorartut tungaasigut inatsisiliormerup eqquutsinneqarnissaata
qulakkeerneqarnissaanut naammaginaruusut oqartussaasunillu
tatiginarluinnartumik periuseqarlutik isumaginneqartut.

Inatsisartut suleriaasiat aamma Inatsisartut Naalackersuisullu pillugit
Inatsisartut inatsisaat ilaasortat qinigaasinnaanerat pillugit maleruagassanik
imaqarput. Malittarisassani taakkunani nalunaarneqarput piumasaqaatit
ilaasortaasunit eqquutsinneqarsimasussat Inatsisartutut soorluttaarlu
Naalackersuisusutut ilaasortaanerminnik isumaginninnissamut, Aammalu
Qinigaasinnaanerup misilinneqarnissaanut ataatsimititaliap pissusaaffigaa
naliliissalluni Inatsisartunullu inatsissutigissallugit, piumasaqaatit
eqquutsinneqarsimasut. Naalackersuisunit maannakkut aaqquissuussinerusoq
pissusissamisoortutut naammaginarutullu isigineqarpoq, Naalackersuisullu
tatigaat, pissusani aggersuni ataatsimiititaliaq ilaasortanut tunngatillugu
aalajangiisinnaajumaartoq, pineqaatissinneqartussanngorlugit
eqqartuunneqarsimasuni imaluunniit ikiaroorartut pillugit inatsisiliormik
unioqqutitsinermut atatillugu akiliisitsisoqarnissaanik
aalajangiiffiqarsimasuni.

Periutsit siuliani taaneqartut aallaavigalugit inuiaqatigiinni inatsisit
aallaavigalugit demokratimik ingerlatsiviusuni eqqartuussivinnit
politiinilluunniit suliarineqartussanik Naalackersuisut Inatsisartulluunniit
suliaqarsinnaangillat.

Pissutsit Inatsisartunut ilaasortap Doris Jakobsen-ip apeqqutaani
oqaatigineqartut Naalackersuisunut pissutissaqartitsilinnigillat immikkut
ittunik iliuutsinik aallartitsinissamut.

Inatsisartunut ilaasortap Doris Jakobsen-ip Naalackersuisunut
apeqqumminut tunngavilersuutaatigut takuneqarsinnaavoq, maannakkut
inatsisitigut inissisimaneq Siumut-mi inatsisitsigut misigissusaanut
naapertuuttuunngitsoq. Naalackersuisut tusaatissatut tiguaat, Siumut

pineqartoq pillugu UKA 2009-mi aallangiiffigisassatut
siunnersuuteqarniarnera.

Inussiarnersumik inuulluaqqusillunga

Kuupik Kleist

Naalakkersuisunut siulittaasoq